



BETTOLIERE

Fotogrammi



Versi: Antonio Mercogliano & Michele Mercogliano Musica: Franco Manco & Emanuele Maeseglia

I° parte

Tutto fernesce c'a voce abbrucata,
destri a sinistra nisciuno int'o pere,
sinistri a destra avasciateme 'e trombe,
purtateme fore 'e varrielli
'nderra duje 'nammurate,
stanno pe s'addurmi abbracciate
è pure si s'arreffresca 'a nuttata,
sempe matina anna fa..

Ritornello

Professionisti affermati,
'o sudore so spartono cu l'operaio
arreta a loro,
'e mugliere se portono appriesso 'a cagnata
"Aspettami ammore mio,
'o tempo 'e l'urdema ajazata
nun saccio si ce 'o veco ancora.."

II° parte

Doppo 'o conciertu se stuta allummata,
chi fore 'o campo v'è pe vedè 'o fuoco,
'o sesto piezzo scennenno,
pure è dispiaciuto che l'adda lassà
'nderra 'a spina dorsale,
pare che 'e chiuove chiagnene,
è legno muorto scippatato dint' all'anema,
pe nun 'o fa chiù abballà.

Ritornello

Io me trattengo assettato,
'a sta tavola 'e musica c'aggio cullato,
stai 'e faccia a me....
comme fai a nu vedè chistu scempio Pauli,
"Mo statte zitto guagliò,
nasceno e po hanno muri..
pe ritornà ancora a nascere.."

III° parte

Accumminciai proprio co giglio suojo,
quanno dicette: "oggi sto a massaria,
porta 'a canzone,
parola d'onore 'a sentimme sultant nuje e nuje
Papà a vo sentere,
Papà te vo cunoscere....
fa ambresso ca nun ce sta troppo tempo..
Don Ciccio tene che ffà"

Ritornello

Nola se chiagne stu figlio,
e po munno gigliante si Mister Gennà
chella 'e Settembre..
comm trasut 'e piazza è a chiu bella che 'e fatto,
'o nomne si è peccerillo,
ma 'o core no chillo mai
'o stesso ca te ne purtaje..!!

IV° parte

Si sotto 'o giglio nun ce 'o 'meretammo,
pe cortesia nun ce sbattite 'e mane,
fate attenzione ca ce volle 'a cap,
e nun saccio addo se po arrivà
ma si pe vincere,
m'aggia veste antipatico
e allora 'o simbolo 'e ll'antipatia,
voglio essere sultanto io!!

Ritornello

Comme s'accelera 'o core,
sentenno a nu giovane "io sto ca Franzese.."
chi sta cu nuje...
nun subisce e nun fa mai decidere 'o giglio
ccà nun s'astregnano 'e denti...
tutto pe nuje è cosa 'e niente
è tutto SCRITTO-DETTO-FATTO!

Finalino

Era rimasto tutto 'o meglio...
e senza tenerlo mente
diciotto frate se l'ha pigliato!!